

中興禮書

中興禮書第八十三卷

吉禮八十三

明堂儀注六

紫宸殿受賀

前期儀鸞司帥其屬設御座於紫宸殿當中南向又於殿後設御閣如儀俟皇帝行禮訖還大次奏解嚴牌訖鼓吹振作皇帝服靴袍出大次樂人作樂乘輦入紫宸殿至上殿降輦樂止歸後幄內侍催班先管軍臣僚并行門一班北向立定太史局奏祥瑞閣門引樞密使知閣門官以下至看班祗候并橫行及諸司祗應武功大夫并行事武功大夫至保義郎並常服於管軍後北向立定次御史臺閣門太常寺分引宰臣使相執政以下

并諸軍指揮使員僚並常服詣紫宸殿下分東西相向  
立定閤門提點引皇太子常服東壁立班定閤門進班  
齊牌皇帝服靴袍出鳴鞭禁衛等迎駕自奏聖躬萬福  
皇帝坐舍人揖管軍臣僚至行門躬贊拜兩拜班首不  
離位躬奏聖躬萬福訖班首出班俛伏跪致詞賀訖伏  
興歸位舍人揖躬贊拜兩拜三呼萬歲如宣諭俟宣諭  
訖又贊拜兩拜三呼萬歲贊各祇候直身立管軍臣僚  
赴東壁待立行門分左右排立次太史局官赴當殿北  
向立舍人揖躬贊拜兩拜贊祇候東出次舍人揖樞密  
使以下躬舍人當殿面北直身通某官姓名以下起居  
稱賀通訖轉身西向立舍人贊拜樞密使已下兩拜起  
揖笏舞蹈又兩拜班首不離位躬奏聖躬萬福訖又兩

拜起舍人引班首出班俛伏跪致詞賀訖伏興歸位舍

人揖躬贊拜兩拜起揖笏舞蹈又兩拜起且躬身知閣

門官當殿躬承旨訖西向稱有制樞密使以下兩拜起

且躬身知閣門官宣荅訖歸侍立位舍人贊拜樞密使

以下兩拜起揖笏舞蹈又兩拜贊各紙候樞密使由西

階升殿侍立知閣門官以下赴殿下東壁面西侍立餘

官分出次舍人揖皇太子已下就位躬舍人當殿面北

直身通文武百僚皇太子某已下起居稱賀通訖舍人

提點引皇太子以下橫行北向立兩省官并宗室遙郡

稱賀並如上儀唯典儀贊拜樞密宣荅御座前承旨退于

賀訖宣各稱各躬侍立位東壁侍立皇太子以下並退

皇帝起鳴鞭殿上侍立率臣參知政事並退皇帝自殿上乘輦樂人作

樂出紫宸殿赴文德殿至殿上降輦樂止

中興禮書第八十四卷

吉禮八十四

明堂儀注七

麗正門肆赦

前期儀鸞司帥其屬張設麗正門之内外又設御座于前楹當中南向又設御幄于後閤門設赦書儀物于御座之東設制案等于門下東壁又設鷄竿于御街之東設稍北太常設鈺鼓一于宮架之西稍北東向刑部大理寺臨安府以囚徒集于伏後質明文德殿內侍催班閤門引知閤門官已下御帶環衛官已下并主管大內公事行宮使御營巡檢及諸司祇候武功大夫已下一班面殿立次引管軍殿下東壁面西立閤門進班齊牌

皇帝出宮行門禁衛等迎駕自奏聖躬萬福皇帝坐知  
問門官已下御帶環衛官已下主管大内公事行宮使  
御營巡檢已下一班聞班奏聖躬萬福次引管軍一班  
面殿奏聖躬萬福訖並出殿以俟導駕御史臺閣門太  
常寺先引宰臣已下百僚赴麗正門外分東西相向立  
班定閣門提點引皇太子于麗正門外東壁立班定皇  
帝自殿上乘輦出樂人作樂導引至南宮門外俟皇帝  
升麗正門樂止引樞密使中書舍升門于御座東面西侍  
立主香大内公事御帶環衛官已下管軍行宮使御營巡檢門下東壁東面西侍  
立至御幄降輦歸御幄簾降出赦書閣門承接繫于仙  
鶴童子上門下進中嚴牌次進外辦牌並以紅條引升  
門門上知閣門官跪授禮部侍郎簾前進訖歸本班簾

卷大樂正令撞黃鍾之鍾右五鍾皆應乾安之樂作內侍索扇扇合皇帝臨軒坐門下鳴鞭樂作簾捲內侍贊扇開樂止舍人閤門人提點等分引皇太子已下百僚橫行北向立兩省官宗室選郎以下依舊相向立典儀贊拜兩拜分班東西相向立門人舍人詣樓前北向立宣奉勅立門上中書令詣御前承旨並太常寺祇應臨軒稍東西向立宣奉勅立金鷄舍人應喏趨至班南北向稍南至班東稱奉勅立金鷄宣付所司退歸位金鷄初立太常擊鼓每擊鼓投一杖囚集鼓聲止初宣立金鷄即擊鼓立金鷄訖即止更不投杖門上降赦書門下閤門承接置案上承受二人對捧于稍東舍人搢笏接捧案立知閤門官案南北向虛揖直身立舍人捧案至樓前班心知閤門官北向虛揖直身立稱宣付門



下省轉身稍西東向立引參知政事于案南北向揖笏  
跪閤門提點承受于案上捧制書授參知政事權與禮  
直官出笏俛伏興舍人捧案置于近東歸本班侍立知  
閤門官退歸侍立位參知政事捧制書北向俛伏跪奏  
請付外施行伏興且躬身門上引中書令詣御前承旨  
訖西向宣曰制可門下參知政事直身立稱宣付三省  
退少西東向立引三省班首出班相向立各俛伏揖  
笏參知政事捧制書以授三首班首受訖並出笏伏興  
歸位付舍人舍人稽笏跪接訖直身立轉與閤門提點  
承受開折訖却受舍人舍人行至班心近南面西折方  
訖北向立知閤門官并捧制書舍人于左省班後詣宣  
制位起居郎或起居舍人一員指摘句讀

候指讀訖却  
歸本班舍人

宣有制典  
儀贊拜

皇太子已下百僚皆再拜舍人宣至咸赦除

之獄吏奏脫枷訖應喏三呼萬歲奏聖躬萬福訖以罪

人過宣制書訖門上舍人贊樞密使書令翰林學士曲

賀兩拜

門上閣門  
官不拜

知閣門官并捧赦書舍人歸侍立位

宣制舍人捧制書于三省班首前東向立搢笏跪以制

書授三省班首三省班首接訖舍人出笏退歸侍立位

禮直官引刑部尚書于三省班首前東向搢笏跪三省

班首以制書授刑部尚書刑部尚書受訖各出笏刑部

尚書興以制書加于笏上轉與刑房錄事訖歸本班舍

人閣門提點等分引皇太子已下百橫行北向立定典

儀贊拜皇太子已下百僚皆再拜訖舍人引皇太子出

班俛伏跪致詞訖伏興歸位立典儀贊拜皇太子已下

百僚皆再拜搢笏舞蹈三呼萬歲又再拜知閤門官于門下面北躬承旨退稍東西向立稱有制典儀贊拜皇太子已下百僚皆再拜起躬身知閤門官宣荅訖歸侍立位典儀贊拜皇太子已下百僚皆再拜搢笏舞蹈三呼萬歲又再拜舍人閤門提點等分引皇太子已下百僚分東西相向立定門上禮直官引中書令詣御座前奏禮畢歸位內侍索扇扇合大樂正令撞蕤賓之鐘左五鐘皆應乾安之曲樂作簾降皇帝起還幄樂止門下鳴鞭舍人北向躬承旨四色官應諾舍人稱奉勅放伏皇太子已下百僚再拜退舍人宣勞將士訖退皇帝乘輦降門作樂導引至文德殿至殿上降輦樂止

中興禮書第八十五卷

吉禮八十五

明堂肆赦

紹興元年九月一日閤門言准尚書省劄子禮工部太常寺相度欲乞將來明堂禮畢更不登門肆赦止降赦付閤門于行宮門外宣赦候將來車駕還闕遇大禮依國朝禮例奉聖旨依今欲乞至日赦書降付閤門依常日降赦儀制止于殿內授制集百官宣讀詔依

赦文

門下朕廸惟祖宗之清明奉若天地之況施涓休成而絜祀所以孚精稔之交受厚福以錫民所以大神靈之澤久矣二儀之嘉嚮宜哉百世以承平然而道有盈虛

運隨亨否兩宮遠狩未聞沙漠之回與四海橫流曾是  
黔黎之寧宇食中昃而不暇衣未明而先求上蒼懷悔  
禍之心羣策竭定傾之力六師奏凱靈旗指而巨盜清  
九扈成功玉燭和而嘉穀茂聿修大報爰舉宗祈眷茲  
省方布政之堂實乃負宸臨朝之位蒼龍憲象仰符大  
火之躔玉帶披圖詎必泰山之趾是用補苴執典誨聚  
彌文乘顯氣于漂秋協重光之吉日制器尚質展犧告  
純天施地生稽用合祛之享祖功宗德虔遵並侑之規  
既隆報本之誠遂致祈禱之告惟照臨有赫識大慈之  
不終惟覆載無私閔羣元之何罪亟臻戡定永飭齊精  
于時奉盛令芳奠玉華潤冕旒顯若企雲車風馬之來  
游光光景肅然梁壁月珠星之在上顧備成于將禮敢

專卿于蕃釐嘉興多方共承丕貺云云於戲敘之曰大德馨于穹壤既哀薦訖之祥敷惠術于通遐更布發禁之號尚賴同心四輔委質庶工文經借箸之謀武輯干城之畧叶圖恢復永底和寧

四年四月七日禮部太常寺言昨紹興元年明堂大禮于內殿宣赦今來明堂大禮未審依儀車駕登門肆赦唯復止依紹興元年禮例詔依紹興元年例施行

七月二十四日禮部太常寺言准尚書省劄子臣僚上言臣竊惟國家每三歲間有事于郊宮禮成必御端門肆赦天下所以答神貺而錫民福上下之情于是通也曩歲明堂獨于常御殿宣詔于時六軍之士億兆之人咸以不獲望清光為歎今茲大禮有司復援前例雖已

被睿旨臣竊疑焉所有將來大禮告成伏願斷自淵衷  
權御臺門而肆大書如祖宗故事考之今日無害簡儉  
而萬目葵傾咸得望威顏于咫尺沐湛恩而汪濊天下  
實幸甚奉聖旨令禮部太常寺同共討論申尚書省今  
討論自來每遇大禮畢車駕御宣德門肆赦昨建炎二  
年郊祀大禮畢依禮例御行宮門肆赦近紹興元明堂  
大禮畢權于常殿御宣赦今來明堂禮畢欲依祖宗故  
事禮畢御行宮南門肆赦其合用金鷄竿并仙鶴童子  
若不用即亦可行奉聖旨依討論到事理權不用金鷄  
竿并仙鶴童子

臣僚上言未按此條別有日月今闕仰觀陛下舉行明堂盛禮蓋人  
君事天之意所不敢廢也一切禮文皆從絲範至于遵

豆簋簠牲牢圭幣之數亦不畢備所謂儉而中禮無得而議者今臣僚上言乞依祖宗故事陛下御臺門肆赦所以答貺神而錫民福通上下之情臣竊疑之蓋法駕所臨必備物而後動今行宮南門之外地步隘窄每朔望朝參百官悉集尚無所容則將來御門之日百官就列不知更于何地排布儀衛若從臣僚之言有司又湏相度或見得地窄則必拆移屋宇廣開道路兼萬乘經由之處亦湏修葺雅飾種種工役隨事申請煩費滋多祖宗故事不行于今日者非止御樓肆赦一事而已所以答神貺錫民福通上下之情正不在是又臣僚謂萬目葵傾咸得望威顏于咫尺臣竊契勘今行宮南門地步可見若百官及儀衛外萬姓所得瞻望天表者能幾



人一何小哉方今邊陲未靖朝廷正當講求武備以待  
不虞而臣僚所陳乃汲汲于稽古禮文之事實未所喻  
臣愚欲望聖慈特詔有司遵守降指揮明堂禮成依紹  
興元年于常御殿宣赦庶幾權宜之制允合公議詔依

赦文

門下朕紹膺丕緒寅畏多難顧寡昧之弗堪悼方隅之  
未靖親乘戎輅越在海邦寢更八載之勤勞祇荷三靈  
之保佑營屯錯處罔聞癘疫之虞調度繁興屢格豐登  
之候欽時嘉况惕若欽成載考彞章當嚴大報然而兩  
宮狩于絕域靡有回鑒之定期九廟隔于故都邈無薦  
裸之常所敵疆猶擾遑遽或驚沃野殘于盜區齊民脅  
于逋藪雖厄運之抵此諒菲躬之使然夜攬衣而屢興

畫當食而永歎惟皇天后土集成命于我家惟藝祖太宗垂大統于來裔是用為民而請禱庶幾與國以迎休爰卜杪秋肆開世室遵皇祐之遺則舉合祠並配之儀續會稽之缺文處四聖六宗之位草創庶品綿範一時物從儉而貴誠事權宜而尚質清明粲矣默存精禋之交景象肩然恭俟神靈之下既竭祈哀之悃必開悔禍之圖將使函生並濟寧宇茲誕敷于渥澤以均錫于純釐云云於戲涓選休成以飭威容之軼昔災肆赦以盼慶賜之常尚賴文武協心忠義畢力共謀戡定迄致昇平

七年四月二十一日禮部太常寺言所有今來明堂大禮畢肆合取自聖裁詔依紹興四年禮例施行

赦文

門下朕祗膺寶歷嗣守丕基以承上下神祇將一周于  
歲紀獲執犧牲圭幣實四展于親祠冀格皇天以寧區  
夏雖喪無二事屬在亮陰之年而祭不廢尊敢墜明禋  
之典顧禮文之弗備尚精意以交孚爰念多壘在郊舊  
都陷賊未雪邦家之憤當勤宵旰之圖振旅撫師將士  
有戰征之苦飛芻輓粟民人疲轉餉之煩朕深懷惻怛  
之心屢下寬大之詔方連兵而不解欲省賦以未能所  
期禍亂之削平永與黎元而休息惟是三靈垂佑集大  
命于眇冲列聖儲休浹深仁于普率尊君親上者既久  
無數去順效逆者雖衆必離將興運之有開庶哀祈之  
能格是用前卜杪秋之吉載錫路寢之嚴追孝奉先既

歌德于清廟絜誠報本遂合祭于大神廼祠官之祝釐  
為庶民而歛福宜敷渥澤用洽多方云云于戲戒精專  
既荷上靈之嘉嚮嚴恭寅畏敢忘昭事之小心尚賴文  
武盡忠內外協力共勘大難永底丕平

十年明堂大禮畢于常御殿宣赦如七年之制

### 赦文

門下朕嗣承大統躬履多虞屬炎正之中微致綿區之  
叔授惟二帝出狩不敢忘者親愛之恩而一紀拏兵尤  
可痛者生靈之命邦之不靖罪實在予每念累朝之至  
仁兼愛兩國之赤子冀休兵革各保封疆徒以安天下  
為心豈在修匹夫之怨至于遣使致幣屈己講和然朕  
誠不足以孚疆敵而俾革心德不足以保遺民永無休

息之日咎繇菲薄疚切盡傷幸賴帝鑒孔昭大旱豐稂  
之歲人心共憤咸懷敵愾之忠兵民足食以無虞將士  
叶謀而有濟載念九筵之盛典盡循三歲之彛儀合天  
地以奉圭幣之恭侑聖神而登牢醴之薦式崇大報庸  
教精祈惟上下神祇臨我而格思惟祖宗功德在人而  
未艾兩儀助順倘開偃革之期九廟垂休益壯宵堂之  
業是用誕敷沛澤溥及多方示孚惠于函生庶導迎于  
和氣云云於戲精意以嚮熙事既成歛福錫民忍向隅  
之獨泣同仁一視期率土之舉安尚賴文武一心忠賢  
同德共戡多難永底平丕

三十一年二月七十七日禮部太常寺言勘會將來  
大禮檢准元豐二年十月二十日慈聖光獻皇后

上仙元豐三年九月二十二日辛巳大嚮明堂御紫宸殿群臣稱賀次御宣德門肆赦所有將來明堂大禮依儀行禮畢皇帝御紫宸殿受賀次登門肆赦上件典故伏候指揮詔免稱賀餘依典故施行

四月二十四日禮部太常寺言勘會依已降指揮將來明堂大禮畢紫宸殿免稱賀餘並依典故施行今勘契依典故合行肆赦緣儀注內該載三公親王以下門下舞蹈賀及樞密院官侍中翰林學士門上曲賀合取指揮詔免賀

續准六月十六日禮部侍郎金安節等議前  
期朝獻景靈宮朝享太廟皆遣大臣攝事  
主上唯親行大事之禮  
畢于殿度宣敕詔依

敕文

門下朕嗣膺寶歷寅奉丕圖宵旰靡皇于今三紀念兢

兢而行道動有履水之危顧翼翼以秉心居懷執玉之懼蓋恭儉由乎克己而致謹所以保邦維祖宗積累之基在繼志而述事維天地神明之鑒本惡盈而好謙端一意以仰承庶三靈之垂佑時乃五辰協序六氣導和百穀用成屢獲豐年之應五兵不試均陶化日之舒長用阜康物無疢癘有邦之慶於朕匪功爰躬三歲之祠虔奉一純之報念園丘肆類備輯生民之章而路寢宗祈未詔我將之饗是用按求古誼推本先猷涓選肅霜之辰稽仍大火之次維仁祖之武敢急于遵承維文考之嚴敢忘于陟配屬在鯨陰之制肆緣越紉之文義難卑而廢尊禮要大而必簡于時六樂備而不作百神儼其若存遵豆薦芳肅然罔罔之荅堂筵拜况燦若陸離

之光宣熙事之備成沛龐恩而周洽云云於戲宗祀而  
配上帝孝莫大於尊親皇極之錫庶民福豈祈于專饗  
更賴二三同德凡百有司文極腹心之謀武致爪牙之  
用懋乃攸績底于丕平

淳熙六年四月十三日禮部太常寺言勘會依儀明堂  
大禮行禮畢皇帝御紫宸殿受賀及登門肆赦所有將  
來明堂大禮欲乞依上件禮儀施行詔依

### 赦文

門下朕紹承基緒獲典神天上循列聖之規日奉慈皇  
之訓宵衣旰食敢暇逸于分陰菲飲早宮期阜蕃于率  
土賴隱顯之交助慶家邦之永寧親壽彌長有行萬年  
之歷民生咸遂無違九叙之歌田疇屢豐邊鄙不聳忱



念一純之報習占三歲之祥顧累躬泰時之禋獨未備  
總章之饗維周成宗祀洛中陟配于文王維漢武合祠  
汶上推嚴于高帝皆用親郊之禮具殫尊祖之誠于鑠  
本朝若稽前代倣經路寢有皇佑之彝儀偏秩羣神有  
紹興之近制不愆于素可舉而行穆卜季秋之良肇稱  
新禮之盛被殊庭而朝薦假清廟以裸將三引先驅建  
太常而來玉輅羣工顯相被元袞而執鎮圭燎煙升而  
精意通和樂奏而靈游沛兩儀奠位于以合袞二后在  
天茲焉並侑環九筵而膍食薄四海以和來局榜大書  
前罄嚴恭之志祺祥免奏後虞滿假之心蓋飭躬弗憚  
于予勤而斂福惟思于民錫甫竣熙事爰沛湛恩嘉與  
多方共迎景况云云於戲天地以好生為德朕克懋于

家靈承祖宗以博愛為仁朕允懷于時憲咨亮采惠疇  
之佐暨秉文經武之臣協圖康濟之功哀對休嘉之澤  
九年明堂大禮畢依儀皇帝御紫宸殿受賀次登門肆  
赦並如六年之制

赦文

門下朕恭己饗明厲精圖治接千歲之統對越天地羣  
靈之休藉十世之基率循祖宗太上之烈永惟在位之  
久益念為君之難九功戒民冀于禹而無間六事責己  
庶于湯而有光夙興夜寐而兢兢業業于時幾日就月將  
而汲汲皇皇于典學苟幽明之交助致中外之咸康舉  
玉卮于未央慶親闈一萬載之壽偃鉞旗于太史保邊  
障二十年之安昨雖早暘之相仍比亦甘霖之時降豐

棖可擬損瘠復蘇蓋愛朕乃天心之仁而祀帝尤國事  
之大遵乾德建炎之制既五陟于園丘考皇祐紹興之  
儀宜再開于陽館矧惟前代亦著舊章禮間舉于祈宗  
義咸推于祖侑若成王有我が將之頌蓋配以文王如武  
帝得公王之圖故對惟高帝爰並稽于茂典以具闡于  
彌文乘秋季之物成直大火之辰集相今路寢如古  
合宮肆新作于彤庭載加清肅况大書于華夙致寅恭  
乃欽原廟之真游乃虔太空之明禋華蓋中御巾車嚴  
五輅之陳元袞前趨典瑞謹四圭之奉祥光璨于俎豆  
協氣流于笙鏞兩儀以覆載而合祛二后以功德而並  
侑泰元既增其策媼神且蕃其釐禔禔詠將歸之靈聊  
勛記備成之事然念懷多福者雖上帝之佑畏無難者

乃聖人之圖方同遘于時和敢專卿于神貺肆敷曠澤  
徧暨寰區云云於戲天偏覆而無所殊朕則體好生之  
意聖博施而能濟衆朕則推宥過之恩尚賴左右柄臣  
大小髦士文究心于勵翼武竭力于干城協恢宏遠之  
模共對隆平之運

原缺

其意耳 年之頌以洽百禮而順成之歲其蜡乃通  
竊觀車駕巡幸以來宗廟之祭文雖省而義存則大中  
小祀歲所常行者亦當姑存其意而已天地社稷之意  
祀不可以輟其他請俟軍務稍休駐驛有定然後圖之  
甚未晚也今省繁就簡裁定每歲祭祀天地社稷合行  
事件 一孟春上辛日祈穀祀昊天上帝前二日奏告  
太宗皇帝同日上辛日祀感生帝并前二日奏告僖祖  
皇帝蓋夏雩祀昊天上帝并前二日奏告太宗皇帝夏  
日至祭皇地祇并前二日奏告太祖皇帝季秋祀昊天  
上帝并前二日奏告神宗皇帝立冬後祭神州地祇并  
前二日奏告太宗皇帝冬至日祀昊天上帝并前二日  
奏告 一春秋二仲并臘前一日祭太社太稷 一祀

天地社稷前二日奏告配侑欲乞依例於天慶觀設位  
望祭 一合用祝文係秘書省檢照定詞書寫請降今  
來秘書省未建欲乞令禮部郎官太常博士分撰禮部  
書寫進書訖降付祠所其合用祝版乞令文思院并所  
至州軍製造 一合用御封降真香令太常寺具數闕  
入內內侍省取降付本寺 一祀天玉以蒼璧皇地祇  
以黃琮感生帝以四圭有邸神州地祇太社太稷以兩  
圭有邸今勘會上件玉璧難以創行製造今欲止依方  
色奠幣權不用玉 一依儀用祭服禮器大樂牲牢  
差三獻捧俎官等前十日受誓戒前三日致齋今勘會  
行在並闕祭服等今欲省簡每位用尊一并杓爵運豆  
各一實以酒脯鹿鷄并合用幣帛縮酒茅蠟燭燎草炭

火

每位酒二升鹿脯四兩麋香二合半細酒茅一束帶帛每段一丈八尺燧燭二條木炭三斤燧草一束

盥洗共一副神席一十領差獻官一員奉禮郎太祝太

官令各一員依奏告禮例行事止用常服更不受前一

日致齋所有祠祭禮料等物令所至州軍製辦一天

地初獻降勅差宰執內祀感生帝祭神州地祇太社太

稷輪差禮部尚書侍郎太常少卿禮部郎官前二日奏

告差宗室如闕即下所至州軍差見任宗室又闕差太

常寺官

獻官宿本司無本司宿祠所

一合差奉禮郎太祝太官乞

令部吏差待次官如闕即行下所至州軍差官

奉禮郎等並宿

所祠

一祠祭時日乞下太史局預先選定前一季報寺

合用神位版乞令太史局下所屬製造朱添位版一十

令本局收掌迺時書寫神位供設一今來應合用祭



器酒脯鹿鬻幣帛蠟燭禮料等并行事官等致齋什物

幕次等並乞從太常寺具數報所至州軍排辦副詔依

季秋祀昊天上帝前二日奏告神宗皇帝紹興二年閏四月禮官奉詔議以太宗皇帝配

十一月九日太常少卿趙子畫等言檢會已降指揮每歲

祀昊天上帝於紹興府天慶觀設位望祭本觀並係軍

馬駐泊今踏逐到府城外之東南告成觀後齋廳充望

祭殿西廊并南廊為祠宮祇應人齋所以稱嚴奉之意

詔依

十二月十五日禮部太常寺言已降指揮自來歲每遇

祀昊天上帝添用行事官牲牢等今參酌比附到合行

申明事件 一祀天升裡依儀合燔牛首用柴五百斤

今牲牢止用羊豕乞權燔羊首所有柴止用一百斤隨

其方位燔燎更不築燎壇 一行事官前十日受誓戒  
於尚書省其幕次什物燈油炭火在京係尚書省御筵  
家事庫排辦今欲乞權令所至州府併儀鸞司釘設排  
辦 一祀神牲牢依條大祀前九十日入滌飼養今難  
以依限入滌乞權令牛羊司才候買到牲牢即行入滌  
飼養無致捶扑損傷 一依今降指揮每位設蓮豆各  
六實禮科欲乞蓮六寔以菱芡栗鹿脯乾桃乾榛豆六  
實以芹菹筍菹葵菹菁菹韭菹鹿藿菹八 一實羊七體  
一實羊熟腸胃一實羊腥腸胃一實豕七體一實豕熟  
十一 一寔豕熟膚一實豕腥膚血樂一實毛血簋二實  
稻粱簋二黍稷祀畢進胙止用羊 一受誓戒并省饌  
立班合用位版欲乞下所至州軍製造 一具到差官

窠目初獻

前以宰執或官涖誓以刑部尚書侍亞獻以禮部

即太常卿少終獻太常卿少禮部郎監察御史太常卿

士以秘書省郎官又兵工部尚書以本郎尚書侍光祿卿丞

奉禮郎太祝太社太官令所至中州府差官內太祝差有

出身詔依

中興禮書第九十一卷

吉禮九十一

昊天上帝二

祀昊天上帝儀

歲中祀天有四正月上辛祈穀孟夏雩祀季秋享明堂  
冬至祀圜邱政和五禮新儀所載四祭各有儀制上辛  
冬至于圜邱孟夏于雩壇並用特牲冬至并設從祀季  
秋設位于端誠殿牲用牛羊豕自紹興以來上辛孟夏  
冬至並于圜邱壇不設從祀季秋于淨明寺望祭殿設  
位皆不用牛止用羊豕其籩豆簠簋之數樂舞升降之  
節例皆相同今詳具于後更不逐祭重載

時日

太常寺各于隔季以四祀時日闋太史局

上年冬至各  
有定日常祀

于孟夏宗祀  
于季秋擇日太史局以其日報太常寺太常寺參酌訖

具時日散告

齋戒

前祀十日受誓戒于尚書省其日五鼓贊者設位版于

都堂下初獻官在左刑部尚書在右並南向亞終獻位

于其南稍東北向西上監察御史位于其西稍北東向

兵部工部尚書押樂太常卿光祿卿押樂太常丞位于

其南稍西北向東上

太常丞以下  
位皆稍却

奉禮協律郎太祝太

社太官令位于其東西向北上質明贊者引行事執事

官就位立定禮直官引初獻降階就位禮直官贊揖在

位者對揖初獻措笏讀誓文云某月某日上辛祈穀祀

上帝

帝祀云孟夏享祀上帝至冬至春至秋至冬至祀昊天上帝各揚其職

不共乃事國有常刑讀訖執笏禮直官贊奉禮協律郎

太祝太社太官令先退餘官對拜乃退散齋七日治事

如故宿于正寢不弔喪問疾作樂判書刑殺文書決罰

罪人及與穢惡致齋三日

光祿卿丞太官令

齋一日二日于本

司

無不司者于卿唯祀事得行其餘悉禁前祀一日質

明俱赴祠所齋宮官給酒饌祀官已齋而闕者通攝行

事

### 奏告

前祀二日奏告

上帝至冬至夏至秋至冬至祀昊天上帝至如常告

之儀

### 陳設

前祀三日儀鸞司設行事執事官次于壇東壝門之外

及齋宮之內宗祀于東隨地之宜設饌幔于內壝東門

外道北南向宗祀于東前二日有司牽牲詣祠所前

一日太社令帥其屬掃除壇之上下宗祀于東太常設

正配神位席太史設正配神位版于壇上宗祀于東

令太社太常設祭器凡設祭器以俟告潔凡設祭器

有司陳牲于卯階之東南內壝之外西向宗祀于東

西祝史各位于牲後太常設省牲位于牲西三獻官在

南北向兵部工部尚書押樂太常卿光祿卿押樂太常

丞光祿丞奉禮協律郎太祝太社太官令在北南向俱西

上凡設太常丞以監察御史于兵部尚書之西少却太

常陳饌于壇之東南向宗祀于東設省饌位版于禮饌

之南三獻官在南北向西上監察御史在西東向兵部

工部尚書押樂太常卿先樂卿押樂太常丞奉禮協律

郎太祝太社太官令在東西向北上太常設登歌之樂

于壇上宗祀于稍南北向設宮架于壇南內壝之外祀宗

之于殿立舞表于鄭綴之間祀日丑前五刻宗祀用丑禮

直官贊者諸司職掌各服其服太常設神位席太史設

神位版上帝位于壇上宗祀于北方南向席以藁秸宗

席以設太宗皇帝祖冬至設太位于壇上宗祀于東方西

向席以蒲越宗祀席太常陳玉幣于神位之左玉用蒼

匣配玉玉加幣上置諸篚幣以祝版各于神位之右置

于北太常設祭器寔之每位各左二十有六邊為四行

以右為上第一行換鉶在前粉養次之第二行總在前



前行濕東栗濕桃乾濕梅乾蒸榛定又次之第右二十有

六豆為四行以左為上第二行第一行在食在前膳食次之第

善道大鹿鵲布鹿鵲又次之第三行葵道在前膳食次之第

膳深蒲鰾鰾又若次之鰾二一於蓬前膳以羊脰七休兩

兩脾在兩端兩肩一在豆前其載以羊脰七休又俎四在

豆右為二重以北為上肺第一重一端以羊脰三次之腸肺三

胃三又次之一定以豕脰膚九橫載第二重一定以羊

熟腸胃肺一定以豕熟膚其載如脰皆羊在左豕在右

若配位即登一在蓬豆間大羹以盤一在登前羹以簋八

簋八在蓬豆外簋在左簋在右簋定以黍稷梁在黍前

設著尊二一一定明水一定壺尊二一一定明水一定皆

有壘加勺畢為酌尊太尊二一一定齊山尊二一一定齊

緹犧尊二一一定沈齊象尊二一一定昔酒皆有壘加畢設

而不酌並在壇上宗祀設于稍南北向西上配位設于

之東每位太常設燭於神位前又設俎四于饌幔內洗正位酒樽

二於郊階之東北向醴洗殿在東爵洗在西南宗祀壘在洗

東加勺篚在洗西南肆寔以巾寔以爵洗之篚則又執壘

篚者位其後又設揖位於郊階之東內壝之外東宗祀門

之外如省牲位祿丞卿位積柴于燎壇設望燎位于午階

之外內壝之內東宗祀下三獻官在北南向西上監察

御史在西東向兵部工部尚書押樂太常卿太常丞奉

禮協律郎太祝太社令在東西向北上又設三獻官席

位於郊階之東北西向宗祀于殿下東階之兵部

工部尚書席位于郊階之東南西向宗祀于殿下三獻

上設監察御史席位于午階之南北向宗祀于殿奉禮

郎太祝太社太官令位于其後押樂太常卿席位于壇  
 祭御史之東押樂太常丞協律郎位于其後光祿卿席  
 位于太常卿之東俱北向西上又設監察御史位于壇  
 上樂虞之北在西東向宗祀于殿上前奉禮郎太祝太  
 社令在東西向北上押樂太常丞于樂虞之北太官令  
 在酌尊所俱北向協律郎位于壇上樂虞之西宗祀于殿上前  
補間一于宮架之西北俱東向押樂太常卿位于宮架  
 之北北向

省牲器

前祀一日行事執事官集初獻齋所肆儀太祝習讀祝  
 文賦玉帛及神位版訖並赴壇所宗祀于殿前各就次禮直  
 官贊者分引行事執事官詣壇東宗祀門外東省牲位祝

獻行事禮直官引 立定禮直官贊揖次引押樂太常卿

入行樂架次引監察御史升自郊階凡行事執事官升

西自滌濯執事官舉畢曰潔降復位禮直官稍前曰告

潔畢請牲省太祝出班巡牲一匝詣初獻前西向躬曰

賾退復位禮直官贊省牲畢請詣省饌位揖訖引行事

執事官各就位立定禮直官贊揖所司省饌具畢禮直

官贊省饌畢揖訖俱還齋所光祿丞太祝以次牽牲詣

厨授太官令次引監察御史也詣厨省鼎鑊祭器滌漑協律

郎展樂器乃還齋所未後一刻太官令帥宰人以鶩刀

割牲祝史以槃取毛血各置于饌所遂烹牲脯後太社

令帥其屬掃除壇之上下宗祀內掃除訖還齋所

奠玉幣

祀日丑前五刻祀行事用丑時七刻宗初獻以下並赴壇

所望祀並赴就令太社令先入視設神位版訖退樂正

帥工人二舞就位登歌各工就人俟監祭御史點閱訖升次

太官令光祿寺率其屬寔饌具畢光祿丞還齋所次引

光祿卿入詣午階之南宗祀殿席位北向立贊者曰再

拜光祿卿再獻升壇宗祀殿後同點視禮饌畢次引監祭御

史升壇點閱陳設糾察不如儀者訖先無視點閱光祿卿

退還齋所餘官各服祭服次行事執事官各就知階東

內壝外宗祀殿門外揖位立定禮直官贊揖次引押樂太常

卿太常丞協律郎先入就午階南宗祀殿席位北向立

贊者曰再拜押樂太常卿以下皆再拜各就位次引監

祭御史奉禮部太祝太社太官令入就午階南席位宗祀

殿下北向立次引初獻兵部工部尚書亞終獻俱入就

郊皆東席位宗祀殿下西向立定禮直官稍前贊有司謹

具請行事協律郎跪俛伏舉麾興工鼓祝官架作景安

之樂帝臨嘉至之樂舞成偃麾慶戛鼓樂至凡樂皆協律

麾興工鼓祝而後作太常升煙燔牲首贊者曰再拜在

位者皆再拜次引監察御史奉禮郎太祝太社太官令

升壇各就位立定太官令就正次引初獻詣盥洗位官

架正安之樂作凡初獻升降行正至洗位北向立播笏

盥手輓手執笏升壇樂止登歌樂作詣上帝神位前北

向立樂止登歌嘉安之樂作播笏跪次引奉禮郎播笏

向跪執事者以玉幣授奉禮郎奉禮郎奉玉幣授初獻

訖執笏興先詣太宗皇帝神位前冬至詣太祖皇帝神位前後同北向

立初獻受玉幣奠訖執笏俛伏興再拜訖樂止次引初

獻詣太宗皇帝神位前東向立酌獻此奠儀如上儀

祈穀登歌作仁安之樂將降壇宗祀冬至定安之樂登歌樂作降階樂止宮架樂作復位初獻

將降壇宗祀冬至定安之樂登歌樂作降階樂止宮架樂作復位樂止

進熟

祀日有司帥進饌者詣厨以匕升羊載于一俎在肩膊端

肅一短端正脊一直脊一橫脊一長次升豕如羊載

于一俎正配一位入設于饌慢內俟初獻既升奠玉幣

訖入陳于郊階下西向宗祀南上宗祀北陳于殿西次引兵

部工部尚書詣郊階下宗祀詣指笏舉俎工部奉羊升

壇宗祀宮架豐安之樂作詣上帝神位前北向跪奠先

薦羊次薦豕各執笏俛伏興有司設于豆石腸胃膚之

前

詳在左  
取在右

次詣太宗皇帝神位前東向奉俎如上儀訖

樂止降復位初奠俎訖引太祝取菹擣于醴祭于豆間

三又取黍稷肺祭如初俱藉以茅退復位次引太祝詣

上帝神位前東向立次引初獻再詣盥洗位宮架樂作

至洗位北向立搯笏盥手帨手執笏詣爵洗位搯笏洗

爵拭爵以授執事者執笏升壇樂止登歌樂作詣正位

酌尊所向西立樂止登歌嘉安之樂作執事者以爵授

初獻初獻搯笏跪執爵執尊者舉幕太官令酌著尊之

醴齋訖先詣配位酌尊所北向立初獻以爵授執事者

執笏興詣上帝神位前北向立搯笏跪執事者以爵授

初獻初獻執爵祭酒三祭于茅苴奠爵執笏俛伏興少

立樂止次太祝東向搯笏跪讀祝文讀訖執笏興先詣



太宗皇帝神位前南向立初獻再拜次詣太宗皇帝神

位前酌獻並如上儀新穀登歌作韶安之樂雩祀感樂

止太官令復詣正位酌尊所太祝復位初獻將降壇登

歌樂作降階樂止宮架樂作復位樂止文舞退武舞進

宮架正安之樂作舞者立定樂止次引亞獻詣盥洗位

北向立搯笏盥手悅手執笏詣爵洗位北向立搯笏洗

爵拭爵以授執事者執笏升壇詣正位酌尊所西向立

宮架作大安之樂神娛錫羨之舞執事者以爵授亞獻

搯笏跪執爵執尊者舉罍大官令配壺尊之盞齊訖先

詣配位酌尊所北向立亞獻以爵授執事者執笏興詣

上帝神位前北向立搯笏跪執事者以爵授亞獻亞獻

執爵祭酒三祭于茅苴奠爵執笏俛伏興再拜次詣太

宗皇帝神位前行禮並如上儀訖樂止降復位次引終  
獻詣洗及升壇行禮並如亞獻之儀降復位引太祝徹  
饗豆饗豆各一登歌肅安之樂作卒徹樂止次引太社  
令束茅訖俱復位禮直官曰賜昨贊者承傳曰賜昨再  
拜在位者皆再拜送神宮架景安之樂作一成止

### 望燎

初景安之樂畢引三獻官兵部工部尚書詣望燎位宮  
架樂作至位樂止有司各詣神位前取幣祝版饌物及  
牲之左髀束茅置于燎壇次引監察御史押樂太常卿  
太常丞奉禮協律郎太祝太社令詣望燎位定立禮直  
官曰可燎火燎半柴次引初獻以下詣東壝門外東壝  
外門揖位立禮直官贊禮畢揖訖退太官令帥其屬徹禮

饌次引監察御史詣壇監視收徹訖還齋所光卿祿卿  
以昨奉進監察御史就位展視光祿卿望闕再拜乃退

中興禮書第九十二卷

吉禮九十二

皇地祇

紹興元年二月五日禮部太常寺言討論省繁就簡裁  
定每歲夏日至祭皇地祇并前二日奏告太祖皇帝于  
天慶觀設位望祭正配二位每位尊爵遵豆各一寔以  
酒脯鹿麋以獻官一員行禮

所用幣依方色不用玉詔依詳具祀上

紹興二年二月七日太常少卿程瑤等言勘會昨臣僚  
陳請舉行祀祭天地依奏告禮用一遵一豆寔以酒脯  
權不用禮神真玉牲牢續承指揮每遇祀昊天上帝依  
儀用禮神真玉牲牢禮料差三獻官等依儀行禮所有  
每遇祭皇地祇未有指揮今欲乞自將來夏日至祭皇

地祇一依祀昊天上帝已得指揮施行所貴祀祭天地一體以稱朝廷欽崇之意詔依

閏四月二十日禮部太常寺言五月一日夏至日祭皇地祇檢會國朝禮制設皇地祇神位於壇上北方南向契勘政和四年因夏祭大禮禮制局議定設皇地祇神位於壇上南方北向今來保于面北望祭行禮即難以北向設位今欲乞自今後夏至祭皇地祇設位依國朝禮制施行又太常寺言契勘國朝禮制自祖宗以來至政和三年設皇地祇位並係北方南向於政和四年因禮制局議定皇地祇位南方北向其政和四年所議南方北向於經別無考據兼契勘昨郊祀大禮并近明堂大禮並係依國朝禮制設皇地祇位北方南向詔依

四年五月十三日吏部尚書胡松年禮部侍郎陳與義言各差夏至祭皇地祇十二日已受誓戒訖合十九日致齋二十二日行事契勘天申聖節滿散道場松年等欲乞於十九日隨趁樞密院燒香畢即時赴本司致齋庶幾少見臣子祝聖之意如允所乞凡祠事官亦乞依此施行詔特依

六年正月十五日禮部言

太常少卿

何慤劄子圖邱方澤社

稷之祭見於臨安府天慶觀小屋三楹卑陋湫隘深屬

不便乞令城外空閒去處別行踏逐續據臨安府踏逐

到城外惠照院充齋宮祀祭詔依

詳見前

九年二月二十八日因國子監丞張希亮之請依國朝儀注祀皇地祇用十二邁亘至十四年以太常博士凌

哲言增加樂舞十六年以禮部太常言依政和舊制用  
籩豆各二十有六簠簋各二

祭皇祗儀

時日

太常預于隔季以夏日至祭皇祗闕太史局太史局以  
其日報太常寺太常寺參酌訖具時日致告

齋戒

前祭十日受誓戒于尚書省其日五鼓贊者設位版于  
都堂下初獻在左刑部尚書在右並南向亞終獻位于  
其南稍東北向東上西監察御史位于西稍北東向兵部  
尚書押樂太常卿光祿卿押樂太常丞光祿丞位于其  
南稍西向東上凡設太常丞以下皆稍却以奉禮郎協律郎太祝太社

太官令位於其東西向北上質明贊者引行者執事者  
立定就位禮直官引初獻降階就位禮直官贊揖在位  
者對揖初獻播笏讀誓文云某年某日夏至祭皇地  
祇各揚其職不共其事國有常刑讀訖執笏禮直官贊  
奉禮協律郎太祝太社太官令先退餘官對拜乃退散  
齋七日治事如故宿于正寢不弔喪問疾作樂判書刑  
殺文書決罰罪人及與穢惡致齋三日光祿卿丞大  
官令齋一日  
日于本司無本司者于隣  
近寺觀質明至唯祭祀得行其餘悉禁前祭  
一日質明俱赴祠所齋宮官給酒饌祭官已齋而闕者  
通攝行事

### 奏告

前祭二日奏告太祖皇帝室如常告之儀



陳設

前祭三日儀鸞司設行事執事官次于望祭齋宮之內

隨地之宜設饌慢于望祭之殿東南西向前二日有司

牽牲詣祠所前一日太社令帥其屬掃除殿之上下太

常設正配神位席太史設正配神位版于殿上凡設神位

太社令太常設祭器凡設祭器皆藉以以俟告潔既畢

有司陳牲于殿之東南西向祝史各位于牲後太常設

省牲位于牲西三獻官在南北向兵部工部尚書押樂

太常卿光祿卿押樂太常丞光祿丞奉禮協律郎太祝

太社太官令在北南向俱西上凡設太常丞以監察御

史于兵部尚書之西少絕太常陳禮饌于殿之東南南

向設省饌位版于禮饌之南三獻官在南北向西上暨

祭御史在西東向兵部工部尚書押樂太常卿光祿卿  
押樂太常丞光祿丞奉禮協律郎太祝太社太官令在  
東西向北上太常設登歌之樂于殿上稍南北向設宮  
架于庭中立舞表于鄼綴之間

祭日丑前五刻禮直官贊者諸司職掌各服其服太常  
設神位版席太史設神位版于殿上皇地祇位于殿上  
北方南向薦以藁結太祖皇帝位于殿上東方西向席  
以蒲越太常陳玉幣于神位前之左玉以黃琮威以玉  
匱配位不用玉  
加幣上置諸篚幣以黃祝版各于神位之右置于玷太  
常設祭器寔之正配位各左二十有六蓮為四行以右

為上第一行模鉶在前粉資次之第二行麇在前黃白  
黑形直鰓鯢魚鱗次之第三行乾東在前還東東  
暹桃乾桃濕梅乾梅蕪榛定次之第四行  
菱在前芡栗鹿脯菱芡東鹿脯又次之  
右二十有六

第一行在飽食在前  
第二行在饔飩在後

鹿肉茅藥鷄又次之第三行葵苴在前羸醢脾折肱醢  
大蛤蚧豚拍魚醢又次之第四行芹苴在前兔醢浮

荀蒞魚鹽落又蒞之俎二一在籩前寔以羊腥七体兩

在兩端  
脊在中  
一在豆  
前  
定以豕  
其載如  
羊  
又俎四  
在豆右

為二重以左為上上第一重肺三寔次羊之曜腸胃三胃肺三離次肺之一一在

胃肺一寔以豕寔以豕寔以豕寔以豕寔以豕  
寔以豕寔以豕寔以豕寔以豕寔以豕寔以豕  
寔以豕寔以豕寔以豕寔以豕寔以豕寔以豕

登一在邊豆間寔以槩大羹一在登前寔以毛血靈八簋

八在蓮豆間蓋在左蓋在右蓋定是以素梁覆梁在素梁前設

著尊二  
一一定明  
齊初水  
酌一  
之定  
壺尊二  
一一定明  
齊亞終水  
酌一  
之定  
盞  
皆有

量加勺累為酌尊太尊二  
定定  
禮齊山尊二  
定定  
禮齊

儀尊二  
定沈齊象尊二  
定昔酒皆有罍加冕設而

不酌並在殿上稍南北向西上之配位東位每位各有一爵

太常設燭于神位前又設俎四于饌幔內洗二于殿東

階下之東南向

盥洗在東壘在洗東加勺篚在洗西南

肆寔以巾

若盥以洗之篚則

執壘篚者位于其後又設揖

位于殿之東南如省牲之位

唯不設光祿卿又設三獻官席位于殿

東階之東南西向北上設監察御史席位于殿庭當中

北向奉禮郎太祝太社太官令位于其後押樂太常卿

席位于監察御史之東押樂太常丞協律郎位于其後

光祿卿席位于押樂太常卿之東俱北向西上又設監

察御史位于殿上樂虞之北在西東向奉禮郎太祝太

社令在東北向西上押樂太常丞位于樂虞之北太官

社令在東北向西上押樂太常丞位于樂虞之北太官

令于酌尊所俱北向協律郎位二一于殿上樂虞之西  
一于宮架之西一于宮架之西北俱東向押樂太常卿  
位于宮架之北北向

省牲器

前祭一日行事執事官集初獻齋所肄儀太祝習讀祝  
文祇玉幣及神位版訖次禮直官贊者分引行事執事  
官詣殿省牲凡初獻行事禮直官立定禮直官贊揖次  
引押樂太常卿入行樂架次引監察御史升殿西階執事官陞祇滌濯執事者舉畢曰潔降復位禮直官  
稍前曰告潔畢請省牲太祝出班巡牲一匝詣初獻前  
詣初獻前西向躬曰充退復位光祿寺出班巡牲一匝  
詣初獻前西向躬曰脂退復位禮直官贊省牲畢請就

省饌位揖訖引行事執事官各就位定立禮直官贊揖  
所司省饌具畢禮直官贊省饌畢揖訖俱還齋所光祿  
丞太祝以次牽牲詣厨授太官令次引登案御史詣厨  
省鼎鑊臠祭器滌滌協律郎展臠樂器乃還齋所未後  
一刻太官令帥宰人以鸞刀割牲祝史以槃取毛血各  
置于饌所遂烹牲脯後太社令帥其屬掃除殿之上下  
訖還齋所

### 奠玉幣

祭前五刻時一用丑太社令先入視設神位版訖  
退樂正帥工人舞人就位登歌工人俟登案御史次太  
官令光祿丞帥其屬寔饌具畢光祿丞還齋所次引光  
祿丞卿入詣殿下席位北向立贊者曰再拜光祿卿再

拜陞殿點視禮饌畢次引監察御史陞殿點閱陳設糾

察不如儀者

飢點視及點閱  
正位

光祿卿還齋所餘官各服

祭服次引行事執事官各詣殿之東南揖位立定禮直

官贊揖次引太常卿太常丞協律郎先入就殿下席位

北向立贊者曰再拜押樂太常卿以下皆再拜各就位

次引監察御史奉禮郎太祝太社太官令入就殿下席

位北向立次引初獻兵部工部尚書亞終獻各入就殿

東階之東席位西向立禮直官稍前贊有司謹具請行

事協律郎跪悅伏舉麾興工鼓祝宮架作寧安之樂諸

靈錫慶之舞八成偃麾戛鼓樂止

凡樂皆律協即跪悅  
伏舉麾興工鼓祝而

後作偃麾  
戛而後止

太常瘞血訖贊者曰再拜在位者皆再拜次

引監察御史奉禮郎太祝太社太官令陞殿各就位立

定太官令就正次引初獻詣盥洗位宮架正安之樂作

凡初獻升降行止至洗位北向立搯笏盥手執手執笏

升殿樂止登歌樂作詣皇地祇神位前北向立樂止登

歌嘉安之樂作搯笏跪次引奉禮郎搯笏西向跪執事

者以玉幣授奉禮郎奉禮郎奉玉幣授初獻訖執笏興

先詣太祖皇帝神位前北向立初獻授玉幣奠訖執笏

俛伏興再拜樂止次引初獻詣太祖皇帝神位前東向

立酌獻請配奠幣如上儀唯登歌作樂止奉禮郎復位

初獻將降殿登歌樂作降階樂止宮架樂作復位樂止

進熟

祭日有司帥進饌者詣厨以匕升羊載于一俎肩膊端

既路在下端正脊一直脊一橫脊一長次升豕如羊載



于一姐

正配位羊  
承各一姐

設于饌幔內俟初獻既升奠玉幣訖

入陳于殿西階下北向北上次引兵部工部尚書詣殿

西階下搢笏奉俎升殿

兵部奉羊  
工部奉豕

宮架豐安之樂作詣

皇地祇神位前北向跪奠先薦羊次薦豕各執笏俛伏

興有司設于豆右賜胙膚之前

羊在左  
豕在右

次詣太祖皇帝

神位前奉俎如常儀樂止俱降復位初奠俎訖引太祝

取菹擣于醯祭于豆間三又取黍稷肺祭如初俱藉以

茅退復位次引太祝詣皇地祇神位前東向立次引初

獻再詣盥洗位宮架樂作至洗位北向立搢笏盥手

祝

手執笏詣爵洗位北向立搢笏洗爵拭爵以授執事者

執笏升殿樂止登歌樂作詣正位酌尊所西向立樂止

登歌光安之樂作執事者以爵授初獻搢笏跪執爵執

尊者舉幕太官令酌著尊之醴齊訖先詣配位酌尊所  
北向立初獻以爵授執事者執笏興詣皇地祇神位前  
北向立搢笏跪執事者以爵授初獻初獻執爵祭酒三  
祭酒于茅苴奠爵執笏俛伏興少樂立止太祝搢笏跪  
讀祝文讀訖執笏先詣太祖皇帝神位前南向立初獻  
再拜次詣太祖皇帝神位前酌獻並如上儀唯登歌作  
英安之樂  
太常令復詣正位酌尊所太祝復位初獻將降殿登歌  
樂作降階樂止宮架樂作復位樂止文舞武舞進宮架  
正安之樂作舞者立定樂止次引亞獻詣盥洗位北向  
立搢笏盥洗手悅手執笏詣爵洗位北向立搢笏洗爵拭  
爵以授執事者執笏升殿詣正位酌尊所西向立宮架  
作文安之樂嚴恭將事之舞執事者以爵授亞獻亞獻

指笏跪執爵執尊者舉幕太官令酌壺尊之盎齊訖先  
詣配位酌尊所北向立亞獻以爵授執事者執笏興詣  
皇地祇神位前北向立指笏跪執事者以爵授亞獻亞  
獻執爵祭酒三祭于茅苴奠爵執笏俛伏興再拜次詣  
太祖皇帝神位前行禮並如上儀訖樂止降復位次引  
終獻詣洗及升殿行禮並如亞獻之儀降復位次引太  
祝詣正配神位前徹籩豆籩豆各一少移故處登歌娛安之樂作  
卒徹樂止次引太社令束茅訖俱復位禮直官曰賜胙  
贊者承傳曰賜胙再拜在位者皆再拜送神宮架寧安  
之樂作一成止

望瘞

初寧安之樂畢引三獻官兵部工部尚書詣望瘞位宮

架樂作至位樂止有司各詣神位前取幣祝版饌物及  
牲之左髀束茅莛于瘞坎次引監察御史押樂太常卿  
太常丞奉禮協律郎太祝太社令詣望瘞位立定禮直  
官曰可瘞寘土半坎次引初獻以下詣東南揖位定立  
禮直官贊禮畢揖訖退太官令帥其屬徹禮饌次引監  
察御史詣殿上監視收徹訖還齋所光祿卿以胙奉進  
監察御史就位展視訖光祿卿望闕再拜乃退

中興禮書第九十三卷

吉禮九十三

感生帝

紹興十八年十一月一日禮部太常寺謹按國朝禮制正月上辛祀感生帝係大祀前一日受誓戒差三獻備宮架樂舞昨自車駕巡幸權依奏告禮例設一遵一豆止用酒脯不受誓戒委于寅奉之儀有所未稱今欲依臣僚所請一遵舊制升為上祀于望祭齋行事內牢牲乞依見今祀天地禮例止用羊豕從之

隆興二年祀感生帝儀

時日

太常寺預于隔季以來年正月上辛祀感生帝閏太史

局太史局以其日報太常寺太常寺參酌訖具時日散告

齋戒

前祀十日受誓戒於尚書省其日五鼓贊者設位版于都堂下吏部尚書在左刑部尚書在右並南向三獻官位于其南稍東北向西上監察御史位于其西稍北東向押樂太常卿光祿卿兵部工部郎中押樂太常丞光祿丞位于其南稍西北向東上押樂太常丞光祿丞奉禮協律郎太祝太社太官令位于其南西向北上質明贊者引行事執事官就位立禮直官引吏部尚書由都堂降階就位禮直官贊揖在位者對揖吏部尚書揖笏讀誓文云某月某日上辛祀感生帝各揚其職不共其事國有常刑譴訖執笏禮直官贊奉禮協律郎太祝太社

太官令退餘位官對拜乃退散齋七日治事如故宿於正寢不弔喪問疾作樂判書刑殺文書決罰罪人及與獄吏致齋三日光祿卿丞太官令齋一日二日于本司無本司者於隣近寺觀備用至唯祀事得行其餘悉禁前祀一日質明俱赴祠所齋官給酒饌祀官已齋而闕者通攝行事

奏告

前祀二日奏告僖祖皇帝室如常告之儀

陳設

前祀三日儀鸞司設行事執事官次于望祭齋宮之內隨地之宜設饌慢于望祭殿之東南西向前有司二日牽牲詣祠所前一日太社令帥其屬掃除殿之上下太常設神位席太史設神位版于殿上凡設神位版皆太社令監視

常設祭器

凡設祭器皆藉以席筵豆又加巾羞

以俟告潔既畢權徹有司

陳牲于殿之東南西向祝史各位于牲後太常設省牲

位於牲西三獻官在南北向押樂太常卿光祿卿兵部

工部郎中押樂太常丞光祿丞奉禮協律郎太祝太社

太官令在北南向俱西上

凡設太常丞以下位皆稍却

監察御史於

押樂太常卿之西少絕太常陳禮饌于殿之東南西向

設省饌位版於禮饌之南三獻官在南北向西上監察

御史在西東向押樂太常卿光祿卿兵部工部郎中押

樂太常丞光祿丞奉禮協律郎太祝太社太官令在東

西向北上太常設登歌之樂于殿上稍南北向設宮架

于庭中立舞表于鄼綴之間祀日丑前五刻禮直官贊

者諸司職掌各服其服太常設神位席太史設神位版



威生帝位於殿上北方南向席以藁秸僖祖皇帝位於  
 殿上東方西向席以蒲越太常陳玉幣于神位前之左  
 玉以四圭不用玉 威玉加幣上置諸篚幣以祝版各于神  
 位之右置於坫太常設祭器寔之每位各左十有二籩  
 為三行以右為上 第一行形蓋在前魚鱠膾餅粉飡次  
 次之第三行菱在右十有二豆為三行以左為上 第一  
 前次陳鹿脯次之 右十有二豆為三行以左為上 第一  
 羞在前笋道葵道菁菹次之第二行韭菹在前醢食魚  
 醢兔醢次之第三行豚拍在前鹿臠醢醢黍食次之  
 俎二一在籩前寔以羊腥七體兩端兩肩兩脅次之脊在中一  
 在豆前寔以豕七體又俎四在豆右為二重以次為上  
 第一重寔以羊腥三體又次之第一重寔以豕離肺一在上端刊肺三次之  
 羊熟腸胃肺一寔以豕熟膚其載如腥登一在籩豆間  
 皆羊在左豕在右若配位即以東為上  
 寔以漿一在登前寔以簋二簋二在籩豆外二俎間簋  
 太羹

在左簋在右簋寔以指梁梁在指前設著尊二一寔明

醴齊初壺尊二一齊一寔明水一寔

尊太尊二一寔泛齊山尊二一寔盞齊犧尊二一寔沉

醇象尊二一寔清酒皆有罍加罍設而不酌並在殿上

稍南北向西上每位各有爵站太常設燭于神位前又

設俎四于饌慢內先二于殿東階下之東南向東盥洗在

在罍在洗東加勺篚在洗西南肆實以巾若爵洗之篚

站加執罍篚者位于其後又設揖位于殿之東南加省牲

之位唯不設光祿積柴於燎壇設望燎位于殿門三獻

官在北南向西上監察御史在西東向押樂太常卿兵

部工部郎中押樂太常丞奉禮協律郎太祝太社太官

令在東西向北上又設三獻官席位于殿東階之東西

向南上兵部工部郎中席位于殿東階之東西向北上  
設監察御史席位于殿庭之中北向奉禮郎太祝太社  
太官令位于其後押樂太常卿席位于監察御史之東  
押樂太常丞協律郎位于其後光祿卿席位于押樂太  
常卿之東俱北向西上又設監察御史位于殿上樂虞  
之北在西東向奉禮郎太祝太社令在東北向西上押  
樂太常丞於樂虞之北太官令酌尊所俱北向協律郎  
位二一于殿上樂虞之西一于宮架之西北俱東向押  
樂太常卿位于宮架之北北向

省牲器

前祀一日行事執官事集初獻齋所肄儀太祝習讀祝  
文視玉幣及神位版訖次禮直官贊者分引行事執事

官詣殿東省牲位

凡初獻行事禮直官引餘官皆贊者引

立定禮直官贊

揖次引押樂太常卿入行樂架次引監察御史升殿西

階凡行事執事官皆自西階視滌濯執事者舉畢曰潔降復位禮

直官稍前曰告潔畢請省牲太祝出班巡牲一匝詣初

獻前西向躬曰充退復位光祿丞出班巡牲一匝詣初

獻前西向躬曰臚退復位禮直官贊省牲畢請就省饌

位揖訖引行事執事官各就位立定禮直官贊揖所司

省饌具畢禮直官贊省饌畢揖訖俱還齋所光祿丞太

祝以次牽牲詣厨授太官令次引監察御史詣厨省鼎

鑊視祭器滌灑協律郎展視樂器乃還齋所未後一刻

太官令帥宰人以鶩刀割牲祝史以槃取毛血各置于

饌所遂烹牲脯後太社令帥其屬掃除殿之上下訖還

齋所

奠玉幣

祀日丑前五刻

行用丑時七刻

太社令先入視設神位版訖

退樂正帥工人二舞入就位

登歌工人候監祭御史點

次太官令光祿丞帥其屬寔饌具畢光祿丞還齋所次

引光祿卿入詣殿下席位北向立贊者曰再拜光祿卿

再拜升殿點視禮饌畢次引監察御史升殿點視陳設

糾察不如儀者

凡點視點閱皆先詣正位

光祿卿退還齋所餘官各

服其服次引行事執事官各詣殿之東南揖位立定禮

直官贊揖次引押樂太常卿太常丞協律郎先入就殿

下席位北向立贊者曰再拜押樂太常卿以下皆再拜

訖各就位次引監察御史奉禮郎太祝太社太官令入

就殿下席位北向立次引初獻兵部工部郎中亞終獻

各入就殿東階之東席位西向立禮直官稍前贊有司

謹具請行事協律郎跪伏舉麾興工鼓祝官架作太安

之樂帝臨嘉至之舞六成偃麾戛鼓樂止凡樂皆協律郎跪伏舉

麾興工鼓祝而後作太常升煙燔牲首贊者曰再拜在

位皆再拜次引監察御史奉禮郎太祝太社太官太官

令升殿各就位立定太官令就正次引初獻詣盥洗位

官架保安之樂作初獻升降之樂至洗位北向立搯笏

盥手帨手執笏升殿止登歌樂作感生帝神位前北向

立樂止登歌光安之樂作初獻搯笏跪次引奉禮郎搯

笏西向跪執事者以玉幣授奉禮郎奉禮郎奉玉幣授

初獻訖執笏興先詣僖祖皇帝神位前北向立初獻受

玉幣奠訖執笏俛伏興再拜樂止次引初獻詣僖祖皇  
祖帝神位前東向立奠幣如上儀唯登歌作樂止奉禮  
即復位初獻將降殿登歌樂作降階樂止宮架樂作復  
位樂止

### 進熟

祀日有司帥進饌者詣厨以匕升羊載于一俎

肱膈在下端正脊一直脊一長脊一次升豕如羊各載

于一俎

正配一位羊

設于饌慢內初獻奠玉幣訖祝史入

陳于殿西階下北向北上次引兵部工部郎中詣殿西

階下搢笏奉俎升殿

兵部奉羊

宮架咸安之樂作詣感

生帝神位前北向跪奠先薦羊次薦豕各執笏俛伏興

有司設于豆右腸胃膚之前

羊在左右

次詣僖祖皇帝神

位前東向奉俎如上儀訖樂止俱降復位初奠俎訖引太祝取菹擣于醢祭于豆間三又取黍稷肺祭如初俱藉以茅退復位次引太祝詣感生帝神位前東向立次引初獻再詣盥洗位宮架樂作至洗位北向搢立笏盥手帨手執笏詣爵洗位北向立搢笏洗爵拭爵以爵授執事者執笏升殿樂止登歌樂作詣正位酌尊所西向立樂止登歌崇安之樂作執事者以爵授初獻初獻搢笏跪執爵執尊者舉冪太官令酌著尊之醴齊訖先詣配位酌尊所北向立初獻以爵授執事者執笏興詣感生帝神位前北向立搢笏跪執事者以爵授初獻初獻執爵祭酒三祭于茅苴奠爵執笏俛伏興少立樂止太祝搢笏跪讀祝文讀訖執笏興先詣僖祖皇帝神位前



南向立初獻再拜次詣僖祖皇帝神位前獻酌並如上

儀

唯登歌作樂肅安之樂

止太官令復詣正位酌尊所太祝復位

初獻將降殿登歌樂作降階樂止宮架樂作復位樂止

文舞退武舞進宮架正安之樂作舞者立定樂止次引

亞獻詣盥洗位北向立搢笏盥手悅手執爵笏詣爵洗

位北向立搢笏洗爵拭爵以爵授執事者執笏升殿詣

正位酌尊所南向立宮架作文安之樂神俎錫美之舞

執事者以爵授亞獻亞獻搢笏跪執爵執尊者舉冪太

官令酌壺尊之盞齊訖先詣配位酌尊所北向立亞獻

以爵授執事者執笏興詣感生帝神位前北向立搢笏

跪執事者以爵授亞獻亞獻執爵祭酒三祭于茅苴奠

爵執事俛伏興再拜次詣僖祖皇帝神位前行禮並如

上儀訖樂降復位次引終獻詣洗及升殿行禮並如亞  
獻之儀降復位次引太祝徹籩豆籩豆各一少後故處登歌肅安  
之樂作卒徹樂止次引太社令束茅訖俱復位禮直官  
曰賜胙贊者承傳曰賜胙再拜在位者皆再拜送神宮  
架大安之樂作一成止

### 望燎

初大安之樂畢引三獻官兵部工部郎中詣望燎位宮  
架樂作至位樂止有司各詣神位前取幣祝版幣祝版  
饌物及牲之左髀束茅置于燎壇次引監察御史押樂  
太常丞奉禮協律郎太祝太社令詣望燎位立定禮直  
官曰可燎大燎半柴次引初獻以下詣殿東南揖位禮  
直官贊禮畢訖揖退太官令帥其屬徹禮饌次引監察

御史詣殿監收徹訖還齋所